



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Hebdomada IV. Post Epiphaniam.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

ram esse à Deo dispositam, ita tamen, ut & ipsa hâc eâdem horâ occurrat, cæteroquin eo solatio non potitura. Ita Deus gratias suas certo tempori, & occasione alligat, quas nisi eâ horâ arripias, fortè nunquam obtinebis. Vide ergò, ne hâc horâ oblatam gratiam prætereas. Perduntur sæpè multæ, dum una negligitur. Nam Deus eas veluti percatenam ducit, uti si uni coopereris, plures promerearis. Si scires ab una hac pendere tuam salutem, quid ageres? Et fortè pendere. Ne ergò sis segnis, & incurius.

DOMIN. IV. POST EPIPHANIAM

De affectibus, & sermone Annæ Prophetissæ.

1. **E**Thac ipsâ horâ superveniens. Luc. 2. Considera qui fuerint interni affectus Annæ agnoscentis sub velo Carnis verum Deum: quæ fides, spes, amor, gaudium, gratulatio, sui resignatio, &c. Suntne iidem tui in Deum velo accidentium panis tectum? Si credis, cur non major est in eum reverentia? Si speras, cur affligeris adversis? Si amas, cur amorem dividis in creaturas? Si gaudes, cur solatia ex cæno mendicas? Si gratularis tibi tanto bono, cur alia extra Deum æstimas? Si te resignas, cur toties te iterum recipis? &c.

2. *Confitebatur Domino.* (Ibid.) hoc est benedicebat, & glorificabat Dominum. Vehementes enim affectus erumpebant in verba. Sed quæ fuerint, non exprimitur. Credi tamen potest, laudasse Dei bonitatem, ac misericordiam, quam fecit cum servis suis: admiratam fuisse ejus humilitatem, & exinanitionem. Unde fit quod sis tam sterilis in laudes Dei? quia nimirum tepide, aut parum afficeris. Amanti enim de amato non desunt verba. Quod loqueris, prodit, quid ames. Examina teipsum, & verba, sermonesq; tuos, & deprehendes, ubi sit animus, unde evocandus.

3. *Et loquebatur de illo omnibus.* Ibid. Et quid loquebatur? sine dubio, hunc esse tam diu expectatum Messiam: huic soli impendendos amores, &c. Nonne hoc professio, & vocatio tua exigit? ut ad cognitionem, & amoremq; Jesu erudias, & inflammes *omnes* qui ejus sanguine redempti sunt, nulli quavis misero, & egeno te subtrahas? Cur ergo vel omnino subterfugis? vel rejicis viliores? Nunquid ideò vilis est anima, quia vili lacerna tegitur? an pro comptis solùm mortuus est Dei filius? vero zelo nulla anima est vilis. Accende igitur hunc in te zelum animarum.

* *

*

E 5

FE.

Christus secundum legem redimendus
quinque siclis.

1. **U**T faceret secundum consuetudinem legis pro eo. Luc. 2. Et si nulla fiat Evangelista mentio, quod Mater Christus consueto pretio à Sacerdote emerit: certum est tamen, eam omnem apicem legis implevisse; ac proinde etiam quinque siclos pro eo deposuisse. Considera ergò 1. Quis emat? Nempè. B. Virgo, non ut sibi sed ut eum nobis nutriat, seseq; postea totum impendat. Debes ergò grates tantum de tuo bono sollicitæ. Et quibus factibus tibi redditum excipies.

2. Considera, à quo eum emat? Ab æterno Patre, cui oblatus erat. Donaverat nobis per Incarnationem. redonat, autem illud iterum nobis, novos quærens gentes, quibus suum Filium totum faciat. Ad nostræ salutis satagit; ut quisque vis oblatum sibi Redemptorem, iterum nobis reponat. Utinam sic ego cum Deo offerrem! offero toties cor meum, voluntatem, facultates cæteras; sed quod donavi tibi, nunc accipe Deus cor meum, voluntatem, corpus, & animam tibi in libitum disponis.

3. Considera quo pretio ematur, nempe secundum legem quinque siclis. Vide quam parvo ematur Deus. Quamvis sit infinitum bonum, noluit a te exigere infinitum pretium, tuæ consulens egestati, noluit ingens aliquod, ne ejus emendi excusationem præstenderes: noluit nullum, ut rigidioris titulum faceres. Inexcusabilis ergo es ô homo, si tantum bonum tam parvo, tam obvio pretio non emas. Et tamen quoties in vanis creatis, & sensuum oblectamenta plus pretii, hi serpius, inquam, laboris effundis.

F E R I A III.

Herodes iratus.

Tunc Herodes videns, quoniam illusus esset à Magis Matth. 2. Considera illud, Videns. Promiserant quidem Magi se redituros. Sed intervenit dispositio Dei juvantis per Angelum, eos alia via redire. Hoc ignorabat Herodes; & tamen tam certum ut quæret, ac si videret Magis fuisse animum illud adendi. Vide quam turpiter erret suspicio! Deo audent scrutari intentionem, & tanquam certissima habet somnia, quæ sibi fingit. Non avari videt sed cœcè graditur: ideò errat, & animam turbat. Detestare hoc malum, & potius cœcus sis in aliorum factis, quam ut suspicioso oculo videas.



2. *Videns quoniam illusus esset.* Illusus ipse Herodes erat. Magis per simulationem imposuerat. Qualis ipse fuit, tales illos iudicavit. Poterat non reditum illorum in melius interpretari, & minus turbatus fuisset. *Disce tu hoc agere, ne fortassis optima in venenum veritas.* Nonne tibi id fieri velles fac ergò aliis. Magna tibi inde quies erit quia sinistra iudicia plurimorum turbant a minimum. *Reflecte, dole, propone.*

3. *Iratatus est valdè.* Considera Herodes in ira cepisse consilium occidendi Christum quàm crudele! quàm enorme! Ira nihil salu- num suadet. Non potest bonum esse consilium, quod dicat passio. Quoties, quæ passione decrevisti, tibi redditus damnasti. *Disce ergò tuas passiones opprimere, ne ad pœnitenda consilia deducant.* Vide & quæ tibi dominetur; statue, quibus modis domes.

F E R I A IV.

Decretum Dei de subtrahendo Christo Herodis iræ.

1. **C**onsidera, quàm sint longè alia consilia Dei, alia hominum. Periclitatus de vita Christus. Poterat Deus vel Herodem perimere, vel iram extinguere, vel iram invisibilem reddere. Decernit, ut

giat. Quale hoc medium? quàm dignitati Filii Dei contrarium? quot incommodis objectum? ita Deus cum iis agit, quos amat: aspera illis, & difficilia decernit. Esne tu dignior Filio Dei? Si cura à te Deus experimenta exigit, quid lamentaris? Agnosce hæc esse ejus in te amoris argumenta, & mitius feres, & gaudebis, & gratias ages.

2. Considera, voluisse Deum, ut hæc fuga fieret, non ad Magos, apud quos Christus fuisset in honore, & veneratione, sed in Ægyptum, ad gentem barbaram, & Judæis infensam, procul ab amicis, & notis. Ita Filio suo toto infantia tempore, nec ab amicis solatium, nec à notis honorem, aut commoditatem admisit. Et quid tu quæris agnoscere, æstimari, honorari, commoditatibus instrui? Si te servum Christi agnosceres, rejiceres ista, & gauderes potius latere, contemni, affligi. Aude hoc à te exigere, ut Christo propior accedas.

3. Considera, quod ait Imperf. hom. 2. *Recordatum esse Dominum, qui non irascitur in finem, quanta mala fecerit super Ægyptum, ideò mittit Filium suum in eam, & dat illi magna recõciliationis signum* Quam bonus Deus! quibus ex justitia sustulit primogenitos, ex misericordia suum primogenitum committit. Discat peccator, dum à Deo plectitur, non desperare in finem. Imò ipsum

ipsum plectere; est quoddam bonitatis documentum. Castigat enim omnem filium, quem diligit; Tu pœnam omnem humilis excipe, & bonitati ejus consigna.

F E R I A V.

Joseph monetur ab Angelo, ut fugiat in Ægyptum.

1. **A**ngelus Domini apparuit in somnis Joseph, dicens: Surge, & accipe puerum, & matrem ejus, & fuge in Ægyptum Matt.

2. Considera præcepti circumstantias. monet Angelus Dei nomine. tanquam per superiorem. 2. Non Virginem etsi excellentiorem, sed Josephum tanquam caput familiæ. Per superiores enim regit, quibus, ne erent subditi, assistit. 3. In somno monet. Rumpenda est quies, ubi Deus vocat. 4. Accipere jubet puerum & matrem. De cætera supellectile nulla cura. Omnis supellex tua sit JESUS & MARIA. 5. In Ægyptum abeundum, in terram hostilem, ut tutus sit Jesus. Designari tibi locum patere, non elige. Si periculosus tibi videatur, Deus proteget, qui designavit.

2. *Et esto ibi, usque dum dicam tibi.* Moræ tempus non determinat. Occupationis, loci, officii, afflictionis tempus Deo remitte. Ipsi cura est de te, mutabit, cum expediet.

Quan-

Quantum tu ipse de te disponis, aut ad votum disponi procuras, tantum te subtrahis divinæ gubernationi. Quantum indeurbationis, si non obtineas; si obtineas, quàm parum meriti, quàm parum solatii, quàm multum periculi!

3. *Qui consurgens accepit puerum, & Matrem eius nocte*: En obedientiæ perfectionē. 1. Cum iudicii subiectione, etsi multa occurrere potuissent, quæ obtenderet. 2. Cum voluntatis promptitudine, in te tam ardua, & difficili. 3. Cum executionis celeritate, ipsâ nocte, abrupto somno, relictis omnibus, quæ habebat. 4. Cum hilaritate, quòd sciret hanc esse Dei voluntatem. Expende tuam ad hos numeros obedientiam.

F E R I A V I.

De ipso itinere fugientium in Ægyptum.

1. **E***T secessit in Ægyptum.* Matth. 2. Considera qui fuerint animorum sensus Josepho & Mariæ. Experiebantur molestias itineris, injurias aëris, duritiem hominum, penuriam cibi, &c. Sed in his omnibus unâ hac cogitatione recreabantur; omnia hæc agimus, & patimur pro Jesu salvando. Hinc quæ solatia? quæ dulcedo? Omne enim amarum hac cogitatione dulcorabitur.

Hoc

Hoc tu principio nitere in adversis: Pro Deo patior.

2. Considera quis animi sensus infanti fuerit, qui sciebat se ad necem quaeri, qui venerat & ipsi etiam Herodi vitam dare. Putas non vulneraverit animum tanta ingratitude? Vide ne parem doloris occasionem saepius Christo praebes, dum tot beneficiis, & gratiis non respondes. Sed poterat omnipotens infans vindictam sumere de Herode, suumque honorem tueri: at noluit. Falsum ergo est principium amoris proprii: non tolerandum id, quo honor periclitatur, &c.

3. Considera, quae Christus in corpore eo itinere passus sit; Aetas erat tenera, hyems perfrigida, pluviae, nives, diversoria vitia, quandoque nulla, paupertas parentum summa, barbaries humanum, &c. At non ex necessitate haec tolerabat; sed voluntate. Et ego pati refugio, & ea quoque quae necessitas adfert; ego commoditatibus meis studebo?

S A B B A T H O.

De iis, quae Jesus passus est in Aegypto.

1. Considera, quae in animo passus est, Cvidit se in medio nationis pravae, cultum Deo negantis, idolis tribuentis: ardebat

debat interim zelo gloriæ Dei Hinc quod vulnus ejus animo, qui clarè perspiciebat, quid sit Deus: quæ indignitas ejus offensæ? quanto affectu vitam suam ad tollenda peccata offerebat? Quàm parum in me zeli est, quem non tantùm aliena peccata non vulnerant, sed vix propria! Accende in te zelum hunc, & attendes magis, ut opera tua non displiceant Deo.

2. Considera, quæ Christus in se sit passus. Defectum non superfluum tantum, sed etiam necessarium: contemptum ab hominibus, cum non alius haberetur, quàm fabri filius. Et hæc non ex necessitate patiebatur Rex gloriæ, sed ex voluntate, & cum gaudio, quòd sciret sic placitum esse Deo. Condole cæcitati Ægyptiorum non agnoscantium Jesum. Vide ne tua sit horum similis. Admirare, & lauda Christi patientiam: sed non pigeat imitari, quod laudare delectat.

3. Considera dolorem quem habuit Jesus aliis compatiendo. Primò quidem SS. Mariæ suæ, & Josepho, quos sui causâ videbat durum illud exilium tolerare: qui dolor sine dubio fuerit ad mensuram amoris, quo in eos ferebatur. 2. Infantibus innocentibus, qui etiam sui causâ crudeli carnificinâ laniabantur. Disce compati aliorum malis, eorum præsertim, qui in innocentia sua Herodis,

dis, seu mali socii gladio occiduntur. Quod
tum his depravandis studet iniquitas, tum
tum tu reducendis stude.

DOMINICA V. POST EPIPHANIAM
Cædes Innocentium.

1. **M**ittens occidit omnes pueros, qui erant
in Bethlehem, Matth. 2. Considera
1. sanguinariam Herodis crudelitatem. U
num vult morti datum, & omnes occidit.
Quod deducit unica ambitionis passio. In
quævis, nisi edometur. Lapsus tuos remem
mora, quos una quandoque passio causavit
& tuo damno disce eam opprimere, ne
opprimat. Nec differendum est, quia tem
pore adolescit.

2. *Ab imatu, & infra*. Ibid. Considera
quam cautelam patrando sceleri Herodes
adhibeat Nam non sua manu eos occidit
sed mittit ministros: ut si arguatur, excessus
in hos retorqueat. 1. Occidit omnes, ut tan
tò certius is perimatur, quem volebat.
Non tantum in Bethlehem occidit ubi na
ceperat natum Christum, sed etiam *in omnibus
finibus eius* 4. Non solum eos, qui
tempore stellæ ortæ nati erant, sed etiam
qui antea. Non patere, ut filii tenebrarum
sint cautiore ad malum patrandum, quam
tu ad declinandum. Omnem cautelam ad
hibe, ne qua te pars boni prætereat, ne qua
parte subrepat malum. 3. Co